

М ѐ н ъ к д у р н

Хоюрн энъкр билä,
Хойраннъ насн цацу.
Нарн—негнä нернъ,
Наадкиннъ нерн—Эрдни.

Нарн Эрдни хойр,
Нанд эдн энъкр!
У угън урнлäм инъг,
Угта насндм булг.

Кörкн күүкм эрк,
Кöвүнäс урән сольхйв.
Күргн уундм берк,
Күүнд седклән öгхйв.

Эдн гурвулн наадла,
Энъкр уурмүд болдм.
Хамдан сургъуль дасла,
Хаврин дуугъан хувадм.

* * *

Тамара күүкн алдрла,
Танъгъчин зүркн öвдлä.
Эрдни Нарн хойр
Эндр нанла харгъла.

Эрдни нег көлтä,
Эннъ кенд кергтä.
Нарн нег гарта,
Нанд хоюрн сүртä.

Басл сäähн эдн,
Бахта тууджин садн.
Эдн балгъснд ирнä,
Энъкр Тамара сернä.
Тедн Тамариг сурхш,
Темдгтä узгднä—сананъ.
Меклдж нүдн чадхш,
Медгднä дурна уханъ.

* * *

Хоюрн энъкр йовата,
Хойраннъ зүркн холвата.
Эднä ухан негн,
Элвг дурнъ öргн.

Мöнък джиргъл, төвкнлтин,
Мöнт дурни төлä,
Тоомсрта гаран хоюрн
Толгъа деерән öргнä.
Хамдан эднлä äмдрäд
Хальмг күүкн сернä.
Газр дорас цумлад,
Гаран бас öргнä...

Мöнък дурн бат,
Мöсклүн седклд хад.
Урглдж оли кучтä,
Унтä сäähн күцлтä.

СЯН-БЕЛЬГИН ХАСР.